

本  
草  
原  
始

本單原始

獸部卷之九

虎頭脛骨膏麝膽香肉

溺犢子膠屎熊膽掌腦骨

鹿角齒犀膠霜肉血皮骨

狗膽陰莖卵皮毛齒骨屎

貓牙頭骨腦屎肉頭肉脂膏髓血清油心

驢肉頭肉脂乳陰整駒衣阿膠

駝肉乳指黃鼠目涎皮糞

牛肉鼻皮乳血脂髓腦  
腎膽齒角鯉骨蹄  
牙皮膽肉  
象  
馬  
陰莖肉  
屎  
毛  
脫

睛骨肺  
骨  
蹄腦  
屎  
毛  
脫

髓心肺腎肝膽胃浮服舌睛筋  
犀角  
兔肉腦頭骨

麝香角  
犀角  
兔肉腦頭骨

脂膏髓血清油心  
鼻唇舌  
齒卵蹄甲毛屎

狐肉五臟肝膽陰莖口中

獺肉肝腎膽膈臍即海

猾皮肉脂膽  
鯪鯉 卽川山甲

### 禽部卷之十

鷄 皮距 白毛 毛羽 尾毛 屎白 卵白	鸚 膏肉 膠尾 肉血 膽卵 涎	鵝 毛掌 上黃 皮屎	燕 肉卵 黃毛	鴉 肉腦 血	鷹 肉背 瓜睛 腦嘴 尾屎	啄木 鳥 肉舌 腦	鶉 肉 卵	鷓 鴒 肉 頭 血 腦	雀 肉 頭 血 腦	雉 諸雞 肉鳥 骨互 毛頭 冠血 腦肪 肝膽 腎喙 腸助 骨腕 胫裏 黃
---------------------------------------	--------------------------------	---------------------	---------------	--------------	---------------------------	--------------------	-------------	----------------------------	-----------------------	--

鴿  
肉血  
屎

五靈脂

啄木鳥

鶉

鷓鴣

### 本草原始

本草原始卷之九

雍丘正字李中立纂輯並書畫

獸部

**虎** 生山林。格物論云。虎山獸之君也。狀如猫而大如牛。黃質黑章。鋸牙鉤爪。鬚健而尖。舌大如掌。生倒刺。項短鼻艱。夜視一目放光。一目看物。聲吼如雷。風從而生。百獸震恐。大寒之日始交。七月而生。性至猛烈。雖遭逐。猶復徘徊顧步。其傷重者。輒咆哮作聲而去。聽其聲之多少。以知其去之遠近。率鳴一聲者。爲一


里。靠岩坐倚木而死。終不僵仆。其搏物不過三躍。不中則捨之。其食物值耳輒止。以爲觸其名。名耳故也。嘗傷人者。耳輒有缺。人死于虎。則爲佹鬼。導虎而行。類從曰。虎行以爪拆地。觀竒偶而行。今人畫地觀竒偶者。謂之虎卜。揚雄方言云。陳魏之間謂之李父。江淮南楚之間謂之李耳。或謂之鵠。自關東西謂之伯都。李時珍曰。虎象其聲也。魏子才云。其文從虍。從儿。象其踞踞之形。字說曰。虎西方之獸。俗呼大蟲。

虎骨氣味辛微熱無毒

之寸曰平

主治邪惡氣殺鬼疰毒止驚悸  
 治惡瘧瘧瘵頭骨尤良○治  
 筋骨毒風變急歪伸不得走  
 注疼痛治尸疰腹痛傷寒溫  
 氣溫瘧殺犬咬毒○雜米盡  
 并痔和頭骨作枕辟惡毒  
 置尸上辟鬼○黃汁浴之去  
 骨節風毒腫和醋浸膝止脚  
 痛腫脹骨尤良初生小兒煎  
 湯浴之辟惡氣去癰疥驚癇  
 鬼疰長大無病○追風定痛  
 健骨止久痢脫肛獸骨散咽  
 時珍曰虎骨通可用辟邪疰驚  
 痢瀉瘧瘵疰頭風當用頭骨  
 手足諸風當用脛骨腰背諸  
 風當用脊骨亦各從其類也

虎別錄中品 虎骨臣



虎之一身筋節氣力皆出  
 前足故入藥以脛骨為勝

修治頰口虎骨用頰及脛骨色黃者佳凡虎身數物俱用惟虎  
者勝藥箭射死者骨青不可入藥其毒浸漬骨血間能傷人  
時珍曰凡用虎之諸骨並搥碎去髓塗酥或酒或醋各隨方  
法炭火炙黃入藥

膏治尙瘡瘡○爪繫小兒臂辟惡魅○肉主惡心欲吐益氣力  
威骨令人有威帶之館官佳無官則爲人所憎○腎主治癩癧  
心壯神強志○膽治小兒疳疔驚癇○肚治反胃吐食○睛治  
頰疾驚悸容忤疝氣○牙主治丈夫陰瘡及疽癩○鬚治瘡  
痛○皮辟邪魅○鼻懸戶上令生男○屎中骨爲屑治火瘡  
起者雜記云虎豹皮上睡令人神驚其毛入瘡有大毒  
段成式酉陽雜俎云仙人鄭思遠常騎虎故人許隱瘡痛求治  
遠拔虎鬚令種之痛即止

勝金方治痔漏脫肛虎脛骨兩節以蜜二兩炙赤色搗爲細末  
蒸餅爲丸梧桐子大每日早晨黃酒下二十九取效

出中臺山谷及益州雍州山中今陝西益州河東諸路山中

皆有之。而秦州文州諸蠻中尤多。形似麝而小。其香正在陰前皮內。別有膜裹之。春分取之。生者益良。一說香有三種。第一生香麝子。夏食蛇蟲多。至寒則香滿。入春急痛。自以爪剔出之。落處草木皆焦黃。此極難得。今人帶真香過園中。瓜果皆不實。此其驗也。其次臍香。乃捕得殺取者。又其次心結香。麝被大獸捕逐。驚畏。失心狂走。顛墜崖谷而斃。人有得之。破心見血流出。作塊者是也。不堪入藥。又有一種水麝。其香更奇好。臍中皆水。凝一滴於斗水中。用洒衣物。其香不散。唐天寶初。虞人嘗獲一水



麝。詔養於園中。每取以針刺其臍。捻以真椎黃。則其創復合。其香氣倍於肉麝。近歲不復聞有之。爾雅謂麝爲麝父。釋獸云。麝父。麝足。麝如小鹿有香。故其文從鹿從射。或云。麝父之香來射。故名麝。時珍曰。麝之香氣遠射。故謂之麝。其形似麇。故俗呼香麇。

麝。臍香氣味辛溫無毒。主治辟惡氣。殺鬼精。物去三蟲。蠱毒。溫瘧。驚癇。久服除不和。夢寤。驚。瘰。諸凶邪。鬼氣。中惡。心腹暴痛。脹急。痞滿。風毒。去面黧。目中。瘳。翳。婦人產難。墮胎。通神。仙。○佩服及置枕間。辟惡。瘳。及尸。疰。鬼氣。又瘳。蛇毒。○治蛇蠶咬。沙。蟲。溪。瘳。毒。辟。蠱。氣。絞。臟。腑。蟲。治。瘳。疾。吐。風。痰。瘳。一切虛損。惡病。納子宮。暖水。臍。止。冷。帶。下。○熱水研服。一粒。治小。

兒驚癇客忤鎮心安神止小便利又能蝕一切癰瘡膿水○  
除百病治一切惡氣及驚怖恍惚○療鼻窒不聞香臭○通  
諸竅開經絡透肌骨解酒毒○消瓜果食積治中風中氣中  
惡痰厥積聚癥瘕

修治數日凡使麝香用當門子尤妙

麝本經上品

甄權曰苦辛忌大蒜李廷飛曰麝香

不可近鼻有白蟲入腦患癩久帶

其香透關令人成疾

經驗方治小兒疳積以麝香研墨書

去疳辟魔四字於額上愈

復子益奇疾方治口內肉越有根如  
線五寸餘如釵股吐出乃能食物  
捻之則痛撒心者麝香一錢研水  
服之日三自消

形似驢而小



市者有以真香些須雜以荔枝末或炒雞子黃爲末或炮棗肉  
或酒製大黃等物攪入棗以四足膝皮充實用者宜辨

真麝香開之即遠聞久放且不生白樸

麝常食柏葉又噉蛇五月得香往往有蛇皮骨故麝香療蛇毒

今以蛇蛻皮裹麝香彌香則是相使也  
肉食之不畏蛇

**牛**時珍曰有犛牛水牛二種犛牛小而水牛大犛牛有黃黑赤

白駁雜數色水牛色青蒼大腹銳頭其狀類豬角若擔矛能與

虎鬪亦有白色者牛耳聾其聽以鼻牛瞳豎而不橫牛齒有下

無上其聲曰牟牛在畜屬上在卦屬坤其性順也許慎曰牛件

也牛爲大牲可以件事分理也其文象角頭三封及尾之形周

禮謂之大牢。內則謂之一元。大武史記稱牛爲四蹄。今人稱牛爲一頭。梵書謂之瞿摩帝。牛之牡者曰牯。曰特。曰牯。曰牯。牝曰特。南牛曰牯。北牛曰牯。純色曰犧。黑曰榆。白曰雍。赤曰梓。駁曰犂。去勢曰犍。又曰犍。無角曰牛。子曰犢。生二歲曰犢。三歲曰犗。四歲曰牯。五歲曰牯。六歲曰犗。

**牛黃** 出晉地平澤。今出登萊州。它處或有。不甚佳。凡牛有黃者。毛皮光澤。眼如血色。時復鳴吼。又好照水。人以盆水承之。伺其吐出。乃喝迫。即墮落水中。既得之。陰乾百日。一子如雞子。黃六

其重疊可揭折。輕虛而氣香者佳。然此物多偽。今人試之者。指摩手甲上。以透甲黃者爲真。又云。此有四種。喝迫而得者。名生黃。其殺死而在角中得者。名角中黃。心中剝得者。名心黃。初在。心中如漿汁。取得便投水中。露水乃硬如碎蒺藜。或皂莢子。是也。肝膽中得之者。名肝黃。大抵皆不及喝迫得者最勝。一名丑寶。金光明經謂之瞿盧折娜。

黃牛肉氣味甘溫無毒。主治安中益氣養脾胃。○補益腰腳止消渴及唾涎。

水牛肉氣味甘平無毒。主治消渴止嘔洩。安中益氣養脾胃。○補虛壯健強筋骨消水腫除濕氣。

鼻主治消渴同石燕羹汁服  
 治婦人無乳作羹食之不  
 過兩日乳下無眼氣壯人  
 尤效○療口眼喎斜不拘  
 乾濕以火炙熱於不患處  
 熨之漸止  
 皮主治水氣浮腫小便澀少  
 以皮蒸熟切入豉汁食之  
 ○熬膠尤良  
 乳主治補虛羸止渴○養心  
 肺解熱毒潤皮膚○令補  
 下熱氣和蒜煎沸食去冷  
 氣痲痺○患熱風人宜食  
 之○老人黃食有益入盤  
 慈止小兒吐乳補勞○治  
 反胃氣痢疸黃通潤大腸

牛黃  
本經上品

水牛

牛  
本經中品  
犛牛



造乾  
 構與  
 云坤  
 陰為  
 牛故  
 牛蹄  
 拆牛  
 瘻則  
 立陰  
 勝也  
 牛起  
 先後  
 足取  
 先前  
 足從  
 陰也

血主治解毒利腸治金瘡折傷垂死又下水蛭煮拌醋食治血

痢便血

脂主治諸瘡疥癬白禿亦入面脂

髓主治補中填骨髓久服增年○安五臟平三焦續絕傷益氣

力止洩利去消渴皆以清酒暖服之○平胃氣通十二經脈

治瘦病以黑牛髓地黃汁白蜜等分煎服○潤肺補腎澤肌

悅面理折傷擦損痛甚效

腦主治風眩消渴○脾積痞氣潤皴裂入面脂用

心主治虛忘補心

脾主治補脾○臘月亥日食一度治痔瘻和朴消作脯食消痞塊

肺主治補肺

肝主治補肝明目○治瘡及痢醋煮食之○婦人陰虛納之引

蟲

胃主治消渴風眩補五臟醋煮食之○補中益氣解毒養脾胃

脾一名百葉主治熱氣水氣治痢解酒毒藥毒丹石毒發熱同

肝作生以薑醋食之

腎主治補腎氣益精○治濕痺  
膽氣治苦大寒無毒主可充藥○除心腹熱渴上下痢及口  
焦燥益目精○臘月釀槐子服明目○治痺濕彌佳○釀黑豆  
百日後取出每夜吞一粒鎮肝明目○除黃殺蟲治癰瘡  
釀南星末陰乾治驚風有奇功

齒主治小兒牛癩

牛角總此即角尖中堅骨也主治下閉血瘀血疼痛女人帶下

血燔之酒服○燒灰主赤白痢○水牛者燒之止婦人血崩

赤白帶下冷痢瀉血水洩○治水腫○煎汁治熱毒風及壯

角主治水牛者燔之治時氣寒熱頭痛○煎汁治熱毒風及壯

熱○安牛者治喉痺腫塞欲死燒灰酒服一錢小兒飲乳不

快似喉痺者取灰塗乳上熱下即瘥○酒淋破血○治疔瘡

骨主治燒灰治吐血鼻洪崩中帶下腸風瀉血水瀉○治疔瘡

燒灰同豬脂塗疔瘡蝕人口鼻有效

蹄甲主治婦人崩中漏下赤白○燒灰水服治牛癩和油塗臄

瘡研末貼臄止小兒夜啼○懸蹄主治熱風赤白漏下

本草原治

獸部

九卷之七



陸莖主 治婦人漏下赤白無子  
○耳中垢 主治蛇傷惡毒

牯牛卵囊主 治疝氣一具 煮爛入小茴香 鹽少許 拌食

臍毛主 治小兒久不行  
○口涎主 治反胃嘔吐

馮主 治水腫腹脹 腳滿利小便  
○屎主 治水腫惡氣乾者 燻之

黃犢子 臍屎主 治九竅四肢 指岐問血出 乃暴怒所為 燒此末

酥油 沙牛者 主 治補五臟 利大小腸 治口瘡  
○除胃中客熱 益

心肺 除心熱 肺痿止 渴止 嗽止 吐血 潤毛髮  
○益虛勞 潤

臟腑 澤肌膚 和血脈 止急痛 治諸瘡 溫酒化服 良  
○犛牛酥

主 治去諸風濕痺除熱 利大便 去宿食  
○合諸膏 摩風腫 皯

乳餅 主 治潤五臟 利大小便 益十二經 脈微動 氣  
○治赤白痢

牛黃 主 治驚癇寒熱 狂盛 狂瘵 除邪 逐鬼  
○療小兒百病 諸癩

熱口不開 大人狂顛 又墮胎 久服 輕身 增年 令人不忘  
○主

中風失音口噤驚悸天行時疾健忘虛乏○安魂定魄辟邪  
魅卒中惡小兒夜啼○益肝膽定精神除熱止驚疔辟惡氣  
除百病○清心化熱利痰涼驚○痘瘡紫色發狂譫語者可  
用

之才曰牛黃人參爲之使得牡丹菖蒲利耳目惡龍骨龍膽地  
黃常山蜚蠊畏牛膝乾漆

牛黃本經曰氣味苦平有小毒日華曰甘涼普曰無毒

修治牛黃細研如塵用

用牛黃宜擇一子如雞子黃大重疊可揭折輕虛氣香色赤黃  
有光摩指甲上透甲黃者爲真齊牛黃堅而不香又有駝駝  
黃極易得亦能相亂不可不審


時珍曰牛黃牛之病也故有黃之牛多病而多死諸獸皆有黃  
人之病黃者亦然因其病在心及肝膽之間凝結成黃故遂  
能治心及肝膽之病正如人之淋石復能治淋也

聖惠方治小兒腹痛夜啼用牛黃如小豆大乳汁化服又臍下  
書田字差 牛黃君

**熊**出雍州山谷。今雍洛河東及懷衛山中皆有之。形類豕。人足黑色。堅中山居。冬蟄。當心有白脂如玉。味甚美。俗呼熊白。其膽春在首。夏在腹。秋在左足。冬在右足。好舉木而引氣。謂之熊經。莊子所謂熊經鳥伸是也。冬蟄不食。飢則舐其掌。故其美在掌。孟子曰。熊掌亦我所欲也。蓋熊於山中行數十里。必有跼伏之所在。石巖枯木中。山人謂之熊館。時珍曰。熊雄也。篆文象形。俗呼爲豬熊。述異記云。在陸曰熊。在水曰能。即鯨所化者。故熊字從能。

熊脂氣味甘微寒無毒主治風痺  
 不仁筋急五臟腹中積聚寒熱  
 羸瘦頭瘍頭禿面上疥炮炙服  
 強志不飢輕身長年○飯食嘔  
 吐○治風補虛損按勞蟲酒鍊  
 服之○長髮令黑悅澤人面治  
 面上黥黯及瘡君  
 肉氣味甘平無毒主治風痺筋骨  
 不仁功與脂同○補虛羸  
 膽氣味苦寒無毒主治時氣熱盛  
 變為黃疸暑月久痢痔瘻心痛  
 症忤○治諸疳耳鼻瘡惡瘡殺  
 蟲○小兒驚癇瘰癧痰以竹瀝化  
 兩豆許服之去心中涎良○送  
 熱清心平肝明目去翳殺蝮蛇  
 蟲○臣惡防已地黃

熊本經上品  
 熊為人熊馬熊各因形  
 似以為別也



熊形類大豕人足黑色

腦髓主治諸聲○療頭旋摩頂去白禿風屑生髮

骨主治作湯浴歷節風及小兒客忤○血主治小兒客忤

掌主治食之可禦風寒益氣力○聖惠方云熊掌難脲得酒醋

水三件同煮熟即大如皮毬也

頰曰熊膽陰乾用然多偽者但取一粒滴水中一道若線不散

者為真

錢乙曰熊膽佳者通明每以米粒點水中運轉如飛者良餘膽

亦濇但緩爾

周密齊東野語云熊膽善辟塵試之以淨水一器塵幕其上投

膽米許則凝塵豁然而開也

外臺秘要治蝟心痛熊膽一大豆和水服之大效

又方治五十年痔不差塗熊膽取差乃止


**象**爾雅云南方之美者有梁山之犀象焉時珍曰象出交廣雲

南及西域諸國有灰白二色形體擁腫頭目醜陋大者身長文

餘高稱之。肉倍數牛。目若豕。四足無指而有爪甲。行則先移左足。臥則以臂著地。其頭不能俯。其頸不能回。其耳下聾。其鼻大如臂。下垂至地。鼻端有小爪。可以拾鍼。食物飲水皆以鼻卷入口。一身之力皆在于鼻。故傷之則死耳。口內有食齒。兩吻出兩牙夾鼻。雄者長六七尺。雌者纔尺餘耳。交牝則在水中。以胸相貼。與諸獸不同。三年一乳。五歲始產。六十年骨方足。又膽不附肝。隨月在諸肉間。春在前左足。夏在前右足。秋後左足。冬後右足也。王安石字說云。象牙感雷而文生。天象感氣而文生。故天

象亦用此字。許慎說文曰。象字篆文象耳牙鼻足之形。

牙氣味其寒無毒。主治諸鐵  
及雜物入肉。刮牙屑和水  
敷之。立出。治癩病。刮齒屑  
炒黃研末。飲服。○諸物刺  
咽中。磨水服之。亦出。舊梳  
屑尤佳。○風癩驚悸一切  
疔毒。精物熱疾。骨蒸及諸  
瘡。並宜生屑入藥。  
皮主治下疳。燒灰和油敷之。  
又治金瘡。不合。  
膽主治明目。治疳。○治瘡腫  
以水化塗之。治口臭。以綿  
裹少許。貼齒根。平旦漱去。  
數度。即瘥。



肉主治燒灰和油塗疣瘡多食令人體重○生菱汁服治小兒

不通燒灰飲服治小便多

睛主治目疾和人乳滴目中

骨主治解毒○胸前小橫骨燒灰酒服令人能浮

腫後方治箭并針折在肉中細刮象牙屑以水和之傳患處即

出

太平廣記云安南有象能知人曲直有鬪訟者行立而嗅之有理者過無理者以鼻卷之擲空數丈以牙接而刺之

**騊**出雲中毛色多般以純白者為勝馬應月故十二月而生其

年以齒別之牡馬曰騊兒牝馬曰騊曰課去勢曰騊一歲曰

騊二歲曰駒三歲曰騊四歲曰騊許慎云馬武也其字象頭髦

尾足之形。



白馬陰莖氣味甘鹹平無毒  
主治傷中絕脈陰不起強志

益氣長肌肉肥健生子  
小兒驚癇○益丈夫陰氣

肉氣味辛苦冷有毒主治傷  
中除熱下氣長筋骨強腰

脊壯健強志輕身不飢作  
脯治寒熱痿痺○黃汁洗


頭瘡白禿  
乳氣味甘冷無毒主治止渴

治熱作酪性溫飲之消肉  
髻骨主治生髮○心治喜忘

肺主治寒熱瘞毒  
肝有大毒○禁燒灰敷瘡毒

眼治驚癇腹滿瘧疾○牙治  
小兒馬癩燒灰塗丁腫效

馬本經中品



馬齒以殭蠶烏梅  
拭不食得桑葉鮮

造化 權輿 云乾 陽馬 馬故 馬蹄 圓馬 疾則 臥陽 勝也 馬起 先前 足臥 先後 足從 陽也

骨燒灰和醋敷小兒頭瘡及身上瘡

頭骨主治喜眠令人不睡○脛骨主治煨存性降陰火中氣不

足者用之○皮主治婦人臨產赤馬皮催生良

懸蹄主治驚和癩疥乳難辟惡氣鬼毒蠱疰不詳止衄內漏齧

齒赤馬者治婦人赤崩白馬者治白崩○主癩癩齒痛

腦有毒主治斷酒臘月者溫酒服之○尾治婦人崩中小兒客

忤○血入肉中即死

白馬溺氣味辛微寒有毒主治消渴破癥堅積聚男子伏梁積

疝婦人癥積銅器承飲之○洗頭瘡白禿潰惡刺瘡日十次

愈乃止

白馬通馬屎也氣味微溫無毒主治止渴止吐血下血鼻衄金

瘡出血婦人崩中○敷頂止衄○絞汁服治產後諸血氣傷

寒時疾當吐下者治時行病起合陰防垂死者絞汁三合日

夜各二服又治杖瘡打損傷瘡中風作痛者炒熱包慰五下

適極效


千金方治凍指欲墮馬糞炙水漬半日即愈

處處山林中有之。馬身羊尾，頭側而長，高脚而行速。牡者有角，夏至則解，大如小馬，黃質白斑，俗稱馬鹿。牝者無角，小而無斑，毛雜黃白色，俗稱麀鹿。孕六月而生子。鹿性淫，一牡常交數牝，謂之聚麀。性喜食龜，能別良草，食則相呼，行則同旅，居則環角外，向以妨害，臥則口朝尾間，以通督脉。爾雅云：鹿牡曰麀，牝曰麀。其子曰麀，絕有力曰麀。乾亨記云：鹿與遊龍相戲，必生異角，故鹿得稱斑龍。梵書謂之密利迦羅。時珍曰：鹿字篆文象其頭角身足之形。

鹿角氣味鹹溫無毒主治惡瘡癰腫逐邪惡氣留血在陰中除少腹脹血痛腰痛痛折傷惡血益氣○猫鬼中惡心腹疼痛○水磨汁服治脫精尿血夜夢鬼交醋磨汁塗瘡癰腫熱毒火灸熱熨小兒重舌驚口瘡○蜜炙研末酒服輕身強骨髓補陽道絕傷又治婦人夢與鬼交者清酒服一撮即出鬼精燒灰治女子胞中餘血不盡欲死以酒服方寸七日三服甚妙

藍生治鼠癭留血心腹痛不可近丈夫陰

鹿本經中品



修治鹿角截段錯屑蜜浸火焙搗篩為末用

鹿茸氣味其溫無毒主治漏下惡血寒熱驚癇益氣強志生齒  
不老○療虛勞洒洒如瘧羸瘦四肢酸疼腰脊痛小便數利  
洩精溺血破瘀血在腹散石淋癰腫骨中熱疽癢安胎下氣  
殺鬼精物久服耐老不可近丈夫陰令痿○補男子腰腎虛  
冷脚膝無力夜夢鬼交精溢自出女人崩中漏血赤白帶下  
灸末空心酒服方寸七壯筋骨○生精補髓養血益陽強筋  
健骨治一切虛損耳聾目暗眩暈虛痢

茄子茸形



馬鞍茸形



馬鞍形者良

宗奭曰茸最難得不破及不出却血者蓋其力盡在血中故也  
世以如紫茄者為上名茄子茸取其難得耳然此太嫩血氣  
未具其實少力堅者又大老惟長四五寸形如分岐馬鞍茸  
端如瑪瑙紅玉破之肌如朽木者最善人亦將麋茸偽為之  
不可不察

孟詵曰鹿茸不可以鼻齶之中有小白蟲視之不見入人鼻必

為蟲類藥不及也

日華子曰鹿茸只用酥炙炒研宗奭曰茸上毛先以酥薄塗勻于烈焰中灼之候毛盡微炙不以酥則火焰傷茸矣

鹿茸麻敦為之使君

鹿角膠粉名鹿角霜氣味甘平無毒主治傷中勞絕腰痛羸瘦

補中益氣婦人血閉無子止痛安胎久服輕身延年○療吐

血下血崩中不止四肢作痛多汗淋漓折跌傷損○男子損

臟氣氣弱勞損吐血婦人服之令有子安胎去冷治漏下赤

白○灸搗酒服補虛勞長肌益髓令人肥健悅顏色又治勞

嗽遺精采血瘡瘍腫毒

修治時珍曰今人呼麋爛成粉者為鹿角霜取粉熬成膠或只

以濃汁熬成膏者為鹿角膠○得火良畏大黃

鹿肉氣味甘溫無毒主治補中益氣力強五臟生者療中風口

辟割片傳之○補虛瘦弱調血脉○養血生容治產後風虛

和併

鹿血主治陰痿補虛止腰痛鼻衄折傷狂犬傷○和酒服治肺

痿吐血及崩中帶下○諸氣痛欲危者飲之立愈○大補虛損益精血解痘毒藥毒

鹿皮主治一切漏瘡燒灰和豬脂納之日五六易愈乃止

鹿骨主治安胎下氣殺鬼精物久服耐老可浸酒服之

髓主治丈夫女子傷中絕脉筋急痛欬逆以酒和服之良○治

筋骨弱嘔吐地黃汁煎作膏填骨髓蜜煮壯陽令有子

腦主治入面脂令人悅澤○刺入肉內以腦敷之燥即易半日

當出

脂主治癰腫死肌温中四肢不隨頭風通腠理不可近陰

頭肉主治消渴皮瘦鬼物煎汁服作膠彌善

蹄肉主治諸風脚膝骨中疼痛不能踐地同豉汁五味羹食

腎主治補腎氣○補中安五臟壯陽氣作酒及羹粥食之

**羊**出河西川谷今河東陝西及近都州郡皆有之種類甚多入

藥以青色羖羊爲勝說文云羊字象頭角足尾之形孔子曰牛

羊之字以形似也。董子云：羊祥也。故吉禮用之。牡羊曰羝，曰羸。牝羊曰羴，曰羸。白曰粉，黑曰羴。多毛曰羴，胡羊曰羴，羴無角曰羴。曰羴。曰羴去勢曰羴。羊子曰羔。羔五月曰羴，六月曰羴，七月曰羴。未卒歲曰羴。內則謂之柔毛。又曰少牢。古今注謂之長髯主簿云。

羴羊角青色者良。氣味鹹溫無毒。主治青盲、明目、止驚、悸、寒、洩。久服安心益氣，輕身殺疥，蟲入山燒之辟惡。鬼虎狼療百節中結氣，風頭痛及盡毒吐血。婦人產後餘痛。燒之辟蛇。灰治漏下，退熱。主山瘡、溪毒。

蓋治小兒羊癩、寒熱。○頭骨治風眩、瘦疾、小兒驚癇。脊骨治虛勞、寒中、羸瘦。○補腎虛、通督脈、治腹痛、下痢。



脛骨治虛勞○尾骨益腎明目

補下焦虛冷○毛治轉筋醋炙

畏脚○鬚治小兒口瘡蠟燭尿

瘡燒灰和油敷○屎燭之治小

兒洩痢腸鳴驚癩疾燒灰理脾

耳并醫竹刺入肉治箭鏃不出

燒灰淋汁沐頭不過十度即生

髮長黑和雁肪塗頭亦良煮湯

灌下部治大人小兒腹中諸疾

痔濕大小便不通燒煙熏鼻治

中惡心腹刺痛亦熏諸瘡中毒


痔漏等治骨蒸彌良已上供

用青羖羊者佳

脂氣味甘熱無毒主治生脂止下

痢脫肛去風毒產後腹中絞痛

治鬼症去遊風及黑黥



羊本經中品 羊性惡濕  
喜燥食鈞吻而肥食仙茅  
而肪食仙靈脾而淫食躑  
躑而死飲尿而亡物理之  
宜忌不可測也

熟肺治賊風痿痺飛尸辟瘟氣止勞痢潤肌膚殺蟲治瘡癬入

膏藥透肌肉絡微風熱毒氣 青羊者良

羊肉氣味苦甘大熱無毒主治暖中宇乳餘疾及頭腦大風汗

出虛勞寒冷補中益氣安心止驚○止痛利產婦○治風眩

瘦病丈夫五勞七傷小兒驚癇○開胃健力

頭蹄氣味甘平無毒主治風眩瘦疾小兒驚癇○腦熱頭眩

安心止驚緩中止汗補胃治丈夫五勞骨熱熱病後宜食之

冷病人勿多食○療腎虛精竭 白羊者良

皮主治一切風及脚中虛風補勞虛去毛作羹臠食○濕皮臥

之散打傷青腫乾皮燒服治蠱毒下血

血氣味鹹平無毒主治女人血虛中風及產後血悶欲絕者熱

飲一升者即活○熱血一升治產後血攻下胎衣治卒驚九

竅出血解毒草毒胡蔓草毒又解一切丹石毒發 白羊良

乳氣味甘溫無毒主治補寒冷虛乏○潤心肺治消渴○療虛

勞益精氣補肺腎氣如小腸氣合脂作羹補腎虛及男女中

風○利大腸治小兒驚癇含之治口瘡○治心卒痛可溫服

之蚰蜒入耳灌之即化成水○治大人乾嘔及友胃小兒噤  
吮及舌腫並時時溫飲之○解蜘蛛咬毒白疔者佳

腦有毒主治入面脂手膏潤之膚去黔黥塗損傷丹瘤肉刺  
髓氣味甘溫無毒主治男子女人傷中陰陽氣不足利血脈益

經氣以酒服之○却風熱止毒久服不損人○和酒服補血  
主女人血虛風悶○潤肺氣羣皮毛滅癩瘰

心氣味甘溫無毒主治止憂意膈氣○補心 有孔者殺人  
肺主治補肺止咳嗽○傷中補不足去風邪○治渴止小便數

同小豆葉煑食之○通肺氣利小便行水解蠱○自三月至  
五月其中有蟲狀如馬尾長二三寸浸去之不去令人下痢

腎主治補腎氣虛弱益精髓○補腎虛耳聾陰弱壯陽益胃止  
小便治虛損盜汗○合脂作羹治勞痢効蒜韭食之一升療

癥瘕○治腎虛消渴  
羊石子羊外腎也主治腎虛精滑○心至外腎用白羶羊者良

肝青稜羊者良氣味苦寒無毒主治補肝治肝風虛熱日亦積  
痛熱病後失明並用子所七枚作生食神効亦切片水浸點

之○解蠱毒○合猪肉及梅子小豆食傷人心○合生椒食  
傷人五臟最損小兒合苦筍食病青盲好婦食之令子多厄  
膽青羯羊者良氣味苦寒無毒主治青盲明目○點赤障白翳  
風淚眼解蠱毒○療痺濕時行熱燥瘡和醋服之良○治諸  
瘡能生人身血脉○同蜜蒸九次點赤風眼有效  
胃一名羊脆脰氣味甘溫無毒主治胃反止虛汗治虛羸小便  
數作羹食三五瘡

勝主治下虛遺溺以水盛入炙熟空腹食之四五次愈  
脈主治潤肺燥諸瘡瘡入面脂去黥黯澤肌膚滅癩痕

苦主治補中益氣○醫主治治氣癭  
睛主治目赤及翳膜曝乾為末點之

筋主治塵物入目熱罨納皆中仰臥即出  
時珍曰生江南者為吳羊頭身相等而毛短生秦晉者為夏羊

頭小身大而毛長土人二歲而翦其毛以為毡物謂之綿羊  
廣南英州一種乳羊食仙芳極肥無復血肉之分食之甚補  
人諸羊皆孕四月而生其目無神其腸薄而筋曲其皮極薄

南畜以書字吳人盡采鳥豸

時珍曰熱病及天行病瘡疾後食之必發熱致危妊婦食之令子多熱白羊黑頭黑羊白頭獨角四角並有毒不可食或云煮羊以杏仁或瓦片則易糜以胡桃則不燥以竹籠則助味中羊毒者飲甘草湯則解銅器煮食之男子損陽女子蒸下物性之異如此不可不知○江機曰反半夏菖蒲同蕎麥豆營食發痼疾同醋食傷心

宗奭曰仲景治寒疝羊肉湯服之無不驗者一婦冬月生產寒入于戶腹下痛不可按此寒疝也醫欲扶抵湯予曰非其治也以仲景羊肉湯減水二服即愈

**狗**處處有之狗類甚多田犬長喙善獵吠犬短喙善守食犬體

肥供饌凡本草所用皆食犬也爾雅云狗家獸也時珍曰狗叩也吠聲有節如叩物也或云為物苟且故謂之狗韓非云蠅營

狗苟是已。卷尾有懸蹄者爲犬。犬字象形。故孔子曰：視犬字如  
畫狗。齊人各地羊。俗又諱之以龍稱狗。有烏龍白龍之號。許氏  
說文曰：多毛曰尪。長喙曰獫狁。短喙曰猓。去勢曰猓。高四尺曰獫狁。  
狂犬曰衛。生子曰獫狁。曰衛。二子曰獫狁。三子曰從。

狗肉氣味鹹酸溫無毒。主治安五臟。

狗本經中品

補絕傷。輕身益氣。宜腎。補胃。  
氣壯陽道。暖腰膝。益氣力。補五  
勞七傷。益陽氣。補血脈。厚腸胃。實  
下焦。填精髓。和五味。養空心。食之  
凡食犬不可去血。則力少不益人。  
黃犬爲上。黑犬白犬次之。反商陸  
畏杏仁。同蘇食損人。同菱食生癩。



思邈曰白犬合海鮪食必生惡疾時珍曰凡犬不可食食令人消渴妊婦食之令子無聲熱病後食之殺人九月食之傷神瘦犬有病御犬發狂自死犬有毒懸蹄犬傷人赤股而躁者氣臊犬目赤者並不可食

蹄肉氣味酸平主治養汁能下乳汁

血白犬者良氣味鹹溫無毒主治癩疾發作補安五臟○熱飲治虛勞吐血又解射罔毒點眼治痘瘡入目又治傷寒熱病發狂見鬼及鬼擊病辟諸邪○烏狗血治產難橫生血上搶心和酒服之

乳汁白犬者良主治十年青盲取白犬生子目未開時乳頻點

之狗子目開即差○赤禿髮落頻塗甚妙

脂並脰白犬者良主治手足皴皺入面脂去黥黯亦五金

腦主治頭風痺鼻中息肉下部墜瘡○御犬咬傷取本犬腦敷

之後不復發

心主治憂恚氣除和○治風痺鼻衄及下部瘡狂犬咬

氣味平微毒主治婦人產後腎勞如瘡者婦人體熱用猪腎

冷用犬腎

肝主治肝同心腎搗塗狂犬咬又治脚氣攻心切生以薑醋進

之取洩先洩者勿用

膽青犬白犬者良氣味苦平有小毒主治明目○敷痂瘍惡瘡

療鼻齶鼻中瘰肉○主鼻衄聾耳止消涓殺蟲除積能破血

凡血氣痛及傷損者熱酒服半箇瘀血盡下○治刀箭瘡

去腸中膿水又和通草桂烏丸服令人隱形

牡狗陰莖六月上伏日取陰乾百日氣味鹹平無毒主治傷中

陰痿不起令強熱大生子除女子帶下十二疾○治絕傷及

婦人陰痿○補精髓

陰卵主治婦人十二疾燒灰服

皮主治腰痛灸熱黃狗皮裹之頻用取瘻燒灰治諸風

淮南萬畢術云黑犬皮毛燒灰揚之止天風

毛主治產難○頸下毛主小兒夜啼絳袋盛著兒背上

盛主治癩癩寒熱卒風痺伏山取之○同人盛燒灰湯服治瘰



頭骨黃狗者良主治金瘡止血○燒灰治久痢勞痢和乾薑煎  
若炒見煙爲丸梧子大空心白飲服十九粒効○壯陽止瘡  
治癰疽惡瘡解頤女子崩中帶下○頤骨主小兒諸癩諸瘰  
燒灰酒服

骨白狗者良主治燒灰生肌敷馬瘡○燒灰療諸瘡瘰及妬乳

癰腫○燒灰補虛理小兒驚癇客忤○煎汁同未煮粥補婦

人令有子○燒灰未飲日服治休息久痢猪脂調敷鼻中瘡

屎白狗者良氣味熱有小毒主治疔瘡水絞汁服治諸毒不可

入口者○瘰疽微骨痒者燒灰塗瘡勿令病者知又和臘猪

脂傅瘰瘡腫毒疔腫出根

華陀別傳云瑯琊有女子右股瘡痒而不消愈而復作陀取猪

棘色犬一隻繫馬馬走五十里乃斷頭今痒處須臾一蟲如

蛇在皮中動以鈎引出長三尺許七日而愈此亦怪証取狗

之血腥以引其蟲耳

**麝** 出石城及華陰山谷今秦隴龍蜀金商州山中皆有之戎

人多捕得來貨。其形似羊色青而大角甚多節。處處圓繞。按王  
安石字說云。鹿則比類而環角外向以自防。麋則獨棲懸角木  
上以遠害。可謂靈也。故字從鹿從靈省文。俗呼羚羊。

羚羊角氣味鹹寒無毒

主治明目益氣起陰去惡血。注下辟蠱毒惡鬼不祥。常不覺寐。  
○除邪氣驚憂狂越僻。謬療傷寒時氣寒熱。在肌膚濕風。  
注毒伏在骨間及食噎不通。久服強筋骨輕身起陰益氣利。  
丈夫。○治中風筋攣附骨疼痛。作末蜜服。治卒熱悶及熱毒。  
痢血疝氣。摩水腫毒。○治一切熱毒風攻。注中惡毒風卒死。  
昏亂不識人。散產後惡血。衝心煩悶。燒研為末。酒服之。治小  
兒驚癇。治山瘴及噎塞。○治驚悸煩悶。心胸惡氣。療癰惡瘡。  
溪毒。○平肝舒筋。定風安魂。散血下氣。辟惡解毒。治子癇瘕  
疾。

修治羚羊角。凡用有神

羊角甚長有二十四節內

有天生木胎此角有神力

抵千牛凡使不可單用須

要不折元對繩縛鐵銼銼

細重重密裹避風以旋旋

取用搗篩極細更研萬匝

了用之更妙免刮人腸也

時珍曰羚羊似羊而青色毛粗兩角短小羴羊似吳羊兩角長

大山驢之身而羚羊之角但稍大而節疎慢耳陶氏言羚羊

有一角者而陳氏非之按寰宇志云安南高山出羚羊一

角極堅能碎金剛石則羚羊固有一角者矣金剛石出西域狀

如紫石英百鍊不消物莫能擊惟羚羊扣之則自然冰泮也

又羴骨偽文佛牙物亦不能破用此角擊之即碎皆相畏耳

世用羚羊角當擇角彎中深銳緊小有掛痕及角尖內有血色

者為真



羴羊

別錄曰羚羊多

兩角一角者為

勝角多節感

圓繞別有山羊

角極長性一邊

有節亦疎大

不入藥用乃爾

雅名羴羊者

似吳羊兩角長

耳陶氏言羚羊

高山出羚羊一

角極堅能碎金

剛石則自然冰

泮也

又羴骨偽文佛

牙物亦不能破

外臺方治遍身赤丹於羊角燒灰雞子清和塗之神效  
羚羊角臣


**犀**出永昌山谷及益州。今出南海者爲上。黔蜀者次之。犀似牛。猪首。大腹。卑脚。脚有三蹄。色黑。好食棘。其皮每一孔皆生三毛。頂一角。或云兩角。或云三角。謹按郭璞爾雅注云。犀三角。一在頂上。一在額上。一在鼻上。鼻上者。即食角也。小而不櫛。亦有一角者。嶺表錄異曰。犀有二角。一在額上。爲兕犀。一在鼻上。爲胡帽犀。牯犀亦有二角。皆爲毛犀。而今人多傳一角之說。此數種俱有粟文。以文之麤細爲貴賤。角之貴者。有通天花文犀。有此

角必自惡其影。常飲濁水。不欲照見也。絕品者。有百物之形。其類極多。唐醫吳士暉言。海人取犀。先於山路多植木。如楮羊棧。其犀前脚直。常依木而息。木爛忽折。犀倒久不能起。因格殺而取其角。又云。犀每歲退角。必自埋于山中。海人潛作木角。易之。再三不離其處。若直取之。則後藏于別處。不可尋矣。入藥。殺取者。爲上。蛇角者。次之。李時珍曰。犀字篆文象形。其特名兕。亦曰沙犀。大抵犀兕是一物。古人多言兕。後人多言犀。北音多言兕。南音多言犀。爲不同耳。梵書謂犀曰竭伽。

犀角氣味苦酸鹹寒無毒主治百  
 毒除和邪鬼瘴氣殺鈎吻鴆羽蛇  
 毒除和不迷惑驚寐久服輕身○  
 辟中惡鎮心神解大熱散風毒治  
 發背癰疽瘡化膿作水時疾熱如  
 火煩毒入心狂言妄語○治心煩  
 上驚鎮肝明目安五臟補虛勞退  
 熱消痰解山瘴溪毒○風毒攻心  
 能耗熱開赤痢小兒髮豆風熱驚  
 癩○燒灰水服治卒中惡心痛飲  
 養中毒藥毒熱毒筋骨中風心風  
 煩悶中風失音水磨服治小兒驚  
 熱○磨汁治吐血衄血下血及傷  
 寒畜血發狂譫語發黃發斑瘡瘡  
 稠密內熱黑陷或不結痂瀉肝涼  
 心清胃解毒

犀角本經中品

洪武初九真曾貢獨角犀



修治陶弘景曰入藥惟雄犀角生者為佳若犀片及見成器物

皆被蒸養不堪用○頌曰犀入藥有黑白二種以黑者為勝

角尖又勝○李珣曰比犀角鋸成小塊當以薄紙裹于懷中

蒸燥乘熱搗之應手如粉故歸田錄云翡翠屑全入氣粉犀

張元素曰苦酸寒陽中之陰也入陽明經

之才曰松脂為之使惡雷丸蘿蔔

繳曰忌鹽及妊婦勿服能消胎氣

北戶錄云凡中毒箭以犀角刺磨中立愈 犀角君

戲術角簪分水犀角簪一枝用麝膽塗之以簪分盞中水其水

自分二面○通天犀可以破水駭雞夜然過水水族見形

**兔**處處有之按事類合璧云兔大如狸而毛褐形如鼠而尾短

耳大而銳上唇缺而無腭長鬚而前足短尻有九孔跌居趨捷

善走舐雄毫而孕五月而吐子按魏子才六書精要云兔字篆

善走舐雄毫而孕五月而吐子按魏子才六書精要云兔字篆

善走舐雄毫而孕五月而吐子按魏子才六書精要云兔字篆

文象形。一云吐而生子。故曰兔。禮記謂之明眊。言其目不瞬而瞭然也。說文：兔，子曰嬖，狡兔曰狡，楚書謂兔為含迦。

兔肉氣味辛平無毒。主治補中益氣。○熱

兔別錄中品

氣濕痺止渴健脾胃。炙食壓丹石毒。臘月作醬食去小兒豌豆瘡。○涼血解熱毒。

利大腸

腦主治塗凍瘡。○催生滑胎。同髓治耳聾。

頭骨主治頭眩痛癩疾。○連皮毛燒存性。米飲服方寸匕。治天行嘔吐不止。以瘥為度。○連毛燒灰酒服。治產難下胎及

產後餘血不下。

肝主治目暗。○明目補勞。治頭旋及眼眩。切洗生食。如羊肝法。治丹石毒發上衝。目暗不見物。

兔毫作筆良





皮毛主治燒灰酒服方寸匕治產難及胞衣不出餘血捨心脹

刺欲死者極驗○煎湯洗疥癩豆瘡○頭皮灰生鼠瘻及果疔

毒氣在皮中如鍼刺者毛灰治灸瘡不瘥○皮灰治婦人帶

下毛灰治小便不利○皮毛宜臘月收

屎一名明月砂一名說月砂主治日中浮瞽勞瘵五疝痔瘡痔

瘻殺蟲解毒 屎宜臘月收

按沈存中良方云江陰萬融病勞四體如焚寒熱煩躁夜喜一

人腹攤一月光明使人心骨皆寒及寤而孫元規使人遺藥

服之遂平扣之則明月丹也乃悟所夢

明月丹載本草綱目附方

**貓**

捕鼠小獸也處處有之有黃黑白駁數色狸身而虎面柔毛

而利齒以尾長腰短目如金銀及上齧多稜者為良時珍曰貓

齧茅二音其名自呼陸佃云鼠害苗而貓捕之故字從苗禮記

所謂迎貓為其食田鼠也。因形似狸。一名家狸。

貓肉氣味甘酸溫無毒。主治勞症鼠瘻。

蠱毒

貓蜀本草

頭骨氣味甘溫無毒。主治鬼症蠱毒心腹痛絞蟲。治疔及痘瘡變黑癩癰鼠瘻惡瘡。

腦主治癩癰鼠瘻。清潮直腦紙上陰乾。

同莽草等分為末。納乳中。

牙治小兒痘瘡倒靨欲死。同人牙指牙。

犬牙燒灰等分。研末。密水服。一字即發起。

胞衣治反胃吐食。燒灰入朱砂末少許。

壓舌下甚效。

尿治蚰蜒諸蟲入耳。滴入即出。以薑或蒜擦牙鼻。或蔥紅蒜中尿。即道出。



貓象臘月采乾者泥固燒存性收用主治痘瘡倒靨癩瘡惡瘡  
蟲疰蝎螫鼠咬燒灰水服治寒熱鬼瘡發無期度者極驗

豕

處處有之按許氏說文云豕字象毛足而後有尾形林氏小

說云豕食不潔故謂之豕坎為豕水畜而性趨下喜穢也牡曰

豨曰豕牝曰彘曰豨曰豨牡去勢曰豨四蹄白曰豨豨高五尺

曰豨豕之子曰豨曰豚曰彘一子曰特二子曰師三子曰豨末

子曰么生三月曰豨六月曰豨何承天纂文云梁州曰豨河南

曰彘吳楚曰豨漁陽以大豬為豨齊徐以小豬為豨禮記謂之


豨豨崔豹古今注謂之參軍

豕

豕本經下品

豕

微寒有小毒○江豬肉酸平有小  
 毒○豚肉羊平有小毒○主治療  
 狂病久不愈○壓丹石解熱毒宜  
 肥熱人食之○補腎氣虛竭○療  
 水銀風并中土坑惡氣  
 豬頭肉有毒主治寒熱五癘鬼毒  
 同五味煮食補虛乏氣力去驚癇  
 五痔下丹石亦發風氣  
 臘豬頭燒灰治魚臍瘡  
 脂膏氣味其微寒無毒主治煎膏  
 藥解斑蝥荒青毒○解地膽亭長  
 野葛碗黃諸肝毒利腸胃通小便  
 除五疸水腫生毛髮○破冷結散  
 宿血○利血脈散風熱潤肺入膏  
 藥主諸瘡殺蟲治皮膚風塗惡瘡



入藥用純黑豕諸凡  
 白豬花猪豕猪牝猪  
 病猪黃驢猪米猪並  
 不可食

脂膏治癰疽○悅皮膚作膏不乾裂○胎產水不下以酒

多服佳○馨骨生髮悅面○臘月煉淨收用天烏梅干

髓氣味甘寒無毒主治撲損惡瘡○塗小兒解顛頭瘡及臍

腫眉瘡癢疥服之補骨髓益虛勞

血氣味鹹平無毒主治生血療貧豚暴氣及海外瘴氣○中

風絕傷頭風眩運及淋瀝○卒下血不止清酒和炒食之

清油炒食治嘈雜有蟲○歷丹石解諸毒

心血主治調朱砂末服治驚癇癩疾○治卒惡死及瘧瘧倒

尾血主治瘰癧倒醫用一匙調龍腦少許新汲水服又治卒

中惡死

心氣味甘鹹平無毒主治驚邪憂恚○虛悸氣逆婦人產後

中風血氣驚恐○補血不足虛劣○五臟主小兒驚癇出汗

肝氣味甘溫無毒主治小兒驚癇○切作生以薑醋食主脚

氣當微淺若先剝即勿服○治冷勞癯虛冷洩久滑赤白帶

下以一葉薄批搗着訶子末炙之再搗再炙盡末半兩空腹

細嚼陳米飲送下○補肝明目療肝虛浮腫

脾胃氣味澀平無毒主治脾胃虛熱同陳皮人參生薑蔥白陳

米黃羹食之○孫思邈曰凡六畜脾人一生莫食之

肺氣味甘微寒無毒主治補肺○療肺虛欬嗽以一具竹刀

切片麻油炒熟同粥食又治肺虛嗽血萎蕪薏苡仁末食之

良○頌曰得大麻仁良不與白花菜合食令人氣滯發霍亂

八月和飴食至冬發疽

腎氣味鹹冷無毒主治聖腎氣通膀胱○補膀胱水臟暖膝

治耳聾○補虛壯氣消積滯○除冷利○止消渴治產勞虛

汗下痢崩中○誥曰久服令人傷腎

脛俗呼胰氣味甘平微毒主治肺痿欬嗽和棗肉浸酒服亦

治疥癬羸瘦○療肺氣乾脹喘急潤五臟去皴皸野鷄殺斑

蝥地膽毒治冷痢成虛一切肺病欬嗽膿血不止以薄竹筒

盛於糖火中煨熟食上啖之良通乳汁

壯氣味甘微溫無毒主治補中益氣止渴斷暴痢虛弱○補

虛損殺勞蟲釀黃糯米蒸搗烏丸治勞氣并小兒疳蚘黃瘦

病○主骨蒸熱勞血脈不行補羸助氣四季宜食○消積聚  
瘕瘕治惡瘡

腸氣味甘微寒無毒主治虛渴小便數補下焦虛竭○止小

便○去大小腸風熱○潤腸治燥調血痢臟毒○洞腸治人

洞腸挺出血多

疔亦作胞氣味甘鹹寒無毒主治夢中遺溺疝氣墜痛陰囊

濕痒至莖生瘡

膽氣味苦寒無毒主治傷寒熱渴○骨熱勞極消渴小兒五

疳殺蟲○敷小兒頭瘡治大便不通以葦筒納入下部三寸

灌之立下○通小便秘惡瘡殺疳疔治目赤目翳明目清心

臟涼肝脾入湯沐髮去膩光澤

膚氣味甘寒無毒主治少陰下利咽痛

耳垢主治蛇傷狗咬塗之

鼻唇氣味甘鹹微寒無毒主治上唇治凍瘡痛痒○煎汁同  
蜀椒目末半錢服治盜汗○治目中風翳燒灰水服方寸七  
日二服

古主治健脾補不足令人能食和五味羹汁食  
齒氣味甘平主治小兒驚癇五月五日取燒沃服○又治訖  
咬○治瘡瘡倒陷燒灰水服一錢  
脉卵氣味甘溫無毒主治驚癇癩疾鬼疰蠱毒除寒熱賁豚  
五癰和氣攣縮○除陰莖中痛○治陰陽易病少腹急痛用  
熱酒吞二枚即瘥  
蹄氣味甘鹹小寒無毒主治羹汁服下乳汁解百藥毒洗傷  
捷諸敗瘡○滑肌膚去寒熱○羹羹通乳脉托癰疽壓丹石  
芡清汁洗癰疽清熱毒消毒氣去惡肉有效  
懸蹄甲氣味鹹平無毒主治五痔伏熱在腹中腸癰內蝕○  
同赤木燒煙熏辟一切惡瘡○蹄宜用母猪者  
毛燒灰麻油調塗湯火傷留竅出毒則無痕  
屎氣味寒無毒主治寒熱黃疸濕痺○主蠱毒天行熱病並  
取一升浸汁頓服○燒灰發瘡瘡治驚癇除熱解毒治瘡○  
血溜出血不止取新屎壓之  
猪窠中草治小兒夜啼密安帝下勿令母知



馬氏家藏治冷陰效方母猪糞不拘多少以舊鐵拗上炒焦黃  
色每用二三錢加兎兒酸尖七箇黃酒煎服勿用羅漢錐牙  
關緊急灌之汗出即回生



長頰廣額大耳修尾夜鳴應更性善馱負有褐黑白三色入

藥以黑者為良處處養育河南最多時珍曰驢臚也臚腹前也  
馬力在膊驢力在臚也

烏驢肉氣味甘涼無毒

主治解心煩止風狂釀酒治一切風○主風狂憂愁不樂能安  
心氣同五味羹食或以汁作粥食之○補血益氣治遠年勞  
損羹汁空心飲療痔引蟲  
頭肉羹汁服二三升治多年消渴無不瘥者又以漬麴釀酒服  
去大風動推不伏者○亦洗頭風風屑○同薑薑羹汁日服  
治黃疸百藥不治者

脂主治敷惡瘡疥癬及風腫○和酒

服三升治狂癪不能語不識人和

烏梅為丸治多年瘡未發時服二

十九又生脂和生椒搗熟綿裹塞

耳治積年聾疾

乳氣味甘冷利無毒主治小兒熱急

黃多服使利○療大熱止消渴○

小兒熱急驚和赤痢○小兒癩疾

客忤天弔風疾○卒心痛連腰臍

者熱服三升蜘蛛咬瘡器盛浸之

蚰蜒及飛蟲入耳滴之當化成水

陰莖氣味辛溫無毒主治強陰壯筋

駒衣主治斷酒煨研酒服方寸匕○骨蒸湯浴歷節風

頭骨燒灰和油塗小兒顛解○懸蹄燒灰敷癰疽散膿水

溺浸蜘蛛咬瘡良○屎主治熱之熨風腫漏瘡紋汁主心腹疼

痛諸疰忤穢癖反胃不止牙齦痛治水腫每服五合良

驢唐本草





圖經曰出東平郡煮牛皮作之出東阿故名阿膠今鄆州皆能作之以阿縣城北井水作煮為真其井官禁真膠極難得貨者多偽其膠以烏驢皮得阿井水煎成乃佳耳本經一名傳

致膠

阿膠氣味甘平無毒

主治心腹內崩勞極酒洒如瘡狀腰腹痛四肢酸痛女子下血安胎久服輕身益氣○丈夫小腹痛虛勞羸瘦陰氣不足脚酸不能久立養肝氣○堅筋骨益氣止痛○瘰癧吐血衄血血淋尿血腸風下痢女人血痛血枯經水不調無子崩中帶下胎前產後諸疾男女一切風病骨節疼痛水氣浮腫虛勞咳嗽喘急肺痿唾膿血及癰疽腫毒和血滋陰除風潤燥化痰清肺利小便調大腸聖藥

張元素曰性平味

淡氣味俱薄浮而

沉陽也入手少陰

足少陰厥陰經

修治阿膠或炒成珠或以麩炒或以酥炒或以蛤粉炒或以草

灰炒或酒化成膏或水化膏當各從本方也

古方所用多是牛皮後世乃貴驢皮偽者竹葉以馬騾駝皮舊

革鞍靴之類其氣濁臭不堪入藥當以黃透如琥珀色或光

黑如墜漆擊之易碎者為真真者不作皮臭夏月亦不濕軟

梅師方治婦娠下血真阿膠三兩炙為末酒一升半煎化服之

即愈

阿膠君

**紙**南北皆有之北方最多形似狸而鼻尖尾大善為魅有黃黑

白三種白色者尤稀尾有白錢文者亦佳日伏于穴夜出竊食

阿膠本經上品



得大良  
薯蕷為  
之使畏  
大黃

聲如嬰兒氣極臊烈毛皮可為裘其腋毛純白謂之狐白。埤雅云。狐。狐也。狐性疑疑則不可以合類。故其字從狐省文。

肉氣味甘溫無毒。主治同。燒作臘食。

治瘡疥久不瘥。○灸炙食補虛損。

及五臟和氣。患蠱毒寒熱者宜多。

服之。○作膾。生食暖中去風補虛。

勞

五臟及腸肚氣味苦微寒有毒。治蠱

毒寒熱小兒驚癇。○補虛勞五臟。

治惡瘡疥生食治狐魅。○作羹臘。

治大人見鬼。

肝燒灰治風癩及破傷風口緊搗強。

膽治人卒暴亡即取雄狐膽溫水研。

灌入喉即活移時無及矣。

別錄下品



狐頭有毒燒之辟邪  
同程頭燒灰傳瘰癧  
日治破傷中風  
皮辟邪魅

狐陰莖氣味甘微寒有毒主治女子絕產陰中痒小兒陰癩卵

腫○婦人陰脫

口中涎液入媚藥○四足治痔漏下血○尾燒灰辟惡

雄狐屎燒之辟惡

**駝**出塞北河西今惟西北畜有之此中人家畜養生息者入藥

不及野駝耳。時珍曰。駝狀如馬。其頭似羊。長項垂耳。脚有三節。背有兩肉峯如鞍形。有蒼褐黃紫數色。其性耐寒惡熱。其糞烟亦直上如狼烟。其力能負囊橐可至千斤。故漢書名橐駝方音訛為駱駝也。

肉氣味甘溫無毒主治諸風下氣壯筋骨潤肌膚主惡瘡乳補中益氣壯筋骨令人不飢

駝脂即駝峯氣味甘溫無毒主治頑

痺風癢惡瘡毒腫死肌筋皮攣縮

踠損筋骨火灸摩之取熱氣透肉

亦和米粉作煎餅食之療痔○治

一切風疾皮膚瘡瘵急及惡瘡腫漏

爛並和藥傅之○主虛勞風有冷

積者以燒酒調服之

黃氣味苦平無毒主治風熱驚疾其

黃似牛黃而不香人每以亂牛黃

而功不及之


毛主治婦人赤白帶下最良

屎主治乾研噓鼻止蚋燒烟殺蚊虱

**駝**爾雅云盜竊小蟲形類兔而小色灰有四齒而無牙長鬚露

眼前爪四後爪五尾文如織而無毛長與身等夜出晝匿其毒

駝



最長。俗故稱老鼠。鼠字篆文象其頭齒腹尾之形。

牡鼠氣味甘微溫無毒。主治療跛折續筋。

骨生搗傅之三日一易。○諸脂煎膏治

打撲折傷凍瘡湯火傷。○煎油治小兒

驚癇。五月五日同石灰搗收傅。金瘡神

效。○煎膏治諸瘡癩。臘月燒之辟惡氣。

鼠向氣味甘熱無毒。主治小兒哺露大腹

炙食之。○小兒疳疾腹大貪食者。黃泥

裹燒熟去骨取肉和五味豉汁作羹食。

之勿食骨甚瘦人。○主骨蒸勞極四肢

羸瘦殺蟲及小兒疳瘦。酒熬入藥。○炙

食治小兒寒熱諸疳。

肝主治箭頭不出。搗塗之。聾耳出汁。每用棗核大。乘熱塞之。能

引蟲也。

膽主治目暗。○點目治青盲雀目。不見物。滴耳治聾。



鼠別錄下品  
舊在蟲魚部

今移此  
有白色者



鼠印即外腎也。主治令人媚悅。○脂主治湯火傷。○耳聾。

頭主。治癩瘡鼻瘡。湯火傷瘡。○目主治。明目。能夜讀。書術家用。

之。○涎有毒。墜落。食中食之。令人生鼠癩。或發黃如金。

脊骨主。治齒折。多年不生者。研末。日搯之。甚効。

四足及尾。治婦人墮胎。易出。○燒服。催生。

皮主。治燒灰。封癰疽。口冷不合者。生剝貼。附骨疽瘡。即迫膿出。

牡鼠糞。兩頭尖者。便是氣味。其微寒。無毒。主治小兒疳疾。大腹。

蕪。同煎服。治時行勞復。○治癩疾。明目。○煮服。治傷寒。勞。

復發熱。男子陰易。腰痛。通女子月經。下死胎。研末服。治吹乳。

解馬肝毒。塗鼠癩瘡。瘡。燒存性。傅折傷。疔腫。諸瘡。

戲。附鼠自咬鼠。捉牡鼠一箇。用小刀割去卵。却放去。所割鼠入。

穴中。咬殺鼠。甚于猫捕鼠也。

**獾** 行義曰。四足俱短。頭與身尾皆禿。毛色若故紫帛。大者身與。

尾長三尺餘。食魚。居水中。亦休於大木上。世謂之水獾。嘗摩蓋。

大水甕中。在內旋轉如風水。皆成旋渦。西戎以其皮飾毳服。領袖云垢不着。染如風霍。翳目但就拭之即去也。王氏字說云。正月十月獺兩祭魚。知報本及始。獸之多賴者。其形似狗。故字從犬從賴。又一名水狗。

獺肉氣味辛鹹寒無毒。主治羹汁服療。疫氣溫病及牛馬時行病。○水氣脹滿熱毒風。○骨蒸熱勞血脈不行。榮衛虛滿及女子經絡不通。血熱大小腸秘消。男子陰氣不宜多食。獺肝頌曰。諸畜肝葉皆有。定數惟獺肝一月一葉。十二月十二葉。其間又有退葉用之。須見形可驗。不爾多偽也。

獺



別錄下品

額肝氣味其溫有毒主治鬼疰蠱毒止久嗽除魚鱗並燒灰酒

服之○治上氣咳嗽虛勞嗽病○傳尸勞極虛汗客熱四肢

寒瘧及產勞○殺蟲

腎主治益男子○髓主治去癥瘕

膽氣味苦寒無毒主治眼翳黑花飛蠅上下視物不明入點藥

宗爽曰古語云獮膽分瓦謂以膽塗竹刀或犀角篋上盡酒中

即分也嘗試之不驗蓋妄傳耳但塗盃唇使酒稍高于盃面

耳

骨主治含之下魚骨鯁

足主治手足皴裂○莢汁服治魚鯁并以爪爬喉下

皮毛主治煮汁服治水瘡病亦作禱及履屨着之○產母帶之

易產

**膾**

出西戎今東海傍亦有之云是新羅國海狗腎舊說是

骨胸獸似狐而大長尾其皮上有肉黃毛三莖共一穴今滄州

所圖乃是魚類而豕首兩足。其臍紅紫色。上有紫斑點。全不相類。醫家亦兼用之云。欲驗其真。取置睡犬傍。其犬忽驚跳若狂者。爲佳。兼耐收蓄。置密器中。常濕潤如新。採無時。異魚圖云。試噉臍者。於臘月衝風處。置盂水浸之。不冰者爲真也。時珍曰。唐韻。臍。臍肥兒。或作骨𩺰。訛爲骨訥。皆番語也。

臍臍一名海狗腎氣味鹹大熱無毒

主治鬼氣尸疰毒與鬼交鬼魅欲魅心腹痛中惡和氣宿血結塊痰癰羸瘦○治男子宿癥氣塊積冷勞氣腎精衰損多色成勞瘦悴○補中益腎氣暖腰膝助陽氣破癥結瘵驚狂癩○治五勞七傷陰痿少力腎虛背膊勞悶面黑精不足者最良

李時珍曰和劑局方治諸虛損

豕首兩足

有脰胸臍九分  
之滋補丸藥中  
多用之精不足  
者補之以味也  
大抵與茯苓噴  
陽之功相近亦  
可同糯米釀酒

脰胸臍

宋開寶附



修治法曰用酒浸一日經累炙香剉搗或於銀器中以酒煎熟合藥以漢椒樟腦同收之則不壞

**蠮**

一名彙。一名蝟鼠。生楚山川谷田野。今處處野中有之。大者

如貓。小者如瓜。脚短尾長寸餘。蒼白色。亦有純白色者。李時珍曰。按說文彙字。篆文象形。頭足似鼠。故有鼠名。宗奭曰。蝟皮治

胃逆開胃氣有功。其字從虫從胃。深有理焉。

猬皮氣味苦平無毒。主治五

痔陰蝕下血赤白五色血

汁不止陰腫痛引腰背酒

黃殺之。○治腸風瀉血痔

痛有頭灸末飲服方寸七

燒灰吹鼻止衄血解藥力

肉氣味甘平無毒。主治反胃灸黃食之亦煮汁飲。又主瘰癧。○灸

食肥下焦理胃氣令人能食。勿食骨

脂主治腸風瀉血。○溶滴耳中治聾。○腦治狼瘡

膽主治點目止淚。化水塗痔瘡。○治鷹食病。自蟲却移此

**鮫鯉** 生湖廣嶺南及金商均房諸州大谷中。形似鼉而短小。又

似鯉而有四足黑色。日中出岸。張開鱗甲如死狀。誘蟻入甲。即

本品經本



修治得皮  
細剉炒黑

入藥

得酒良畏

桔梗麥門

冬

閉而入水中。開甲蟻浮出。因接而食之。從鱖爲穴。居於陵。加鯉。爲鱗甲若鯉。能水能陸。故俗以川山甲稱。又呼穿山甲。

甲氣味鹹微寒有毒。主治五疔驚啼。悲傷。燒灰酒服。方寸七。小兒驚邪。婦人鬼魅。悲泣。及疥癬痔。漏瘰癧。瘡癩。及諸疔。疾。燒灰。傅。惡瘡。又治山嵐瘴癘。除痰癘。寒熱。風痺。強直。疼痛。通經。脉下。乳汁。消癰。腫排膿。血通。竅。救蟲入藥。尾甲力勝。

本草原始卷之九

蟲部下  
品移此



修治甲或炮或燒或酥炙醋炙。童便炙油煎土炒。蛤粉炒。各隨本方。乳岩乳癰。乳汁不通。用甲炮研末。酒服。方寸七。日二服。仍以油梳梳乳即通。

本單原始卷之十

雍正正字李中立纂輯並書畫

禽部


**雞** 在在畜養。大小形色不同。古稱雞之德五。戴冠者文也。足傳距者武也。敵在前敢鬪者勇也。見食相告者仁也。鳴不失時者信也。故俗呼爲五德禽。廣志云。大者曰蜀。小者曰荆。雀豹古今注。雞爲燭夜。爾雅翼云。司時之畜。徐鉉云。雞者稽也。能稽時也。易曰。巽爲雞。風俗通曰。呼雞爲朱。朱者俗說雞乃朱翁所化。禮



記宗廟之雞名曰翰音。

本華綱目云雞類甚多  
 朝鮮一種尾長三四尺  
 遼陽一種角雞味俱肥  
 美大勝諸雞南越一種  
 長鳴雞晝夜啼鳴南海  
 一種石雞潮至即鳴蜀  
 中一種鸚雞楚中一種  
 倭雞並高三四尺廣東  
 一種矮雞脚纒二寸許  
 也凡人無故群雞夜  
 鳴謂之荒雞主凶黃昏  
 獨啼主有天恩謂之盜  
 啼老雞作人言牝雞雄  
 鳴雄雞生卵並宜殺之

雞



本經上品  
 養雞法  
 雞勿餵濕  
 飯食濕飯  
 則臍內生  
 膿而死近  
 柳柴煙則  
 傷有病灌  
 香油便活  
 生雞以稍  
 熱水洗足  
 放之自不  
 走且免爭  
 鬪

諸雞肉食忌

說曰雞有五色者玄雞白首者六指者四距者雞死足不伸者

並不可食害人

延壽書云闍雞能啼者有毒四月勿食抱雞肉令人作癰成漏

男女虛乏

弘景曰小兒五歲以下食雞生虵蟲雞肉不可合葫蒜芥李食

不可合大肝犬腎食並令人洩痢同兔食成痢同魚汁食成

心瘕同鯉魚食成癰瘡同獾肉食成道尸同生葱食成蟲痔

同糯米食生虵蟲

丹雄雞肉氣味甘微溫無毒主治女人崩中漏下赤白沃通神

殺惡毒辟不祥○補虛溫中止血能愈久傷之瘡不差者

補肺

白雄雞肉氣味酸微溫無毒主治下氣療狂和安五臟傷中消

渴○調中除邪利小便去丹毒風

烏雄雞肉氣味甘微溫無毒主治補中止痛○止肚痛心腹惡

氣除風濕麻痺諸虛羸安胎治折傷并癰疽生搗塗竹木刺

入肉

黑雌雞肉氣味甘酸溫平無毒主治作羹食治風寒濕痺五緩  
六急安胎○安心定志除和辟惡氣治血和破心中宿血治  
癰疽排膿補新血及產後虛羸益血助氣○治反胃及腹痛  
痿折骨痛乳癰又新產婦以一隻治淨和五味炒香投二升  
酒中封一宿取飲之令人肥白又和烏油麻二升熬香入酒  
中極效

黃雌雞肉氣味甘酸鹹平無毒主治傷中消渴小便數而不禁  
腸澼洩痢補益五臟絕傷療五勞益氣力○治勞劣添髓補  
精助陽氣暖小腸止洩精補水氣○補丈夫陽氣治冷氣疾  
着牀者漸食之良以光粉諸石末和飯飼雞煮食甚補益  
治產後虛羸煮汁煎藥服佳

日華子曰黃雌雞肉性溫患骨熱人勿食

烏骨雞氣味甘平無毒主治補虛羸弱治消渴中惡鬼擊心腹  
痛益產婦治女人崩中帶下一切虛損諸病大人小兒下痢  
禁口並煮食飲汁亦可搗和丸藥

鳥骨雞有白毛鳥骨黑毛鳥骨黃毛鳥骨斑毛鳥骨有骨內  
俱鳥肉白骨鳥者但看雞舌黑者則肉骨俱烏入藥更良乃

肝腎血分之藥男用雌女用雄

按太平御覽云夏侯弘行江陵逢一大魁引小鬼數百行弘  
潛捉末後一小鬼問之曰此廣州大殺也持弓戟徃荆揚二  
州殺人若中心腹者死餘處猶可救弘曰治之有方乎曰但  
殺白鳥骨雞薄心即瘥時荆揚病心腹者甚衆弘用此治之  
十愈八九中惡用烏雞自弘始也此說雖涉迂怪然其方則  
則神妙謂非神傳不可也鬼擊卒死用其血塗心下亦效  
以毛雞治反胃以一隻煮爛去骨入人參當歸食鹽各半兩再  
同煮爛食之至盡

雞頭丹白雉雞者良主治殺鬼東門上者良

雞冠血三年雉雞者良氣味鹹平無毒主治烏雞者主乳難

治目淚不止日點三四次良○丹雞者治白癩風○並療經

絡間風熱塗頰治口喎不正塗面治中惡卒飲之治縊死欲  
絕及小兒卒驚容許塗諸瘡癬蜈蚣蜘蛛毒馬噬瘡百蟲入

耳

雞血烏雞白雞者良氣味鹹平無毒主治踈折骨痛及痿痺中

惡腹痛乳難○治刺驢馬被傷及馬咬人以熱血浸之主小

兒下血及驚風解丹毒蠱毒鬼排陰毒安神定志熱血服之

白癩風癰瘍風以雄雞翅下血塗之

腦白雄雞者良主治小兒驚癇燒灰酒服治難產

防烏雄雞者良主治起陰○補腎治心腹痛安漏胎下血以一具

肝雄雞者良主治起陰○補腎治心腹痛安漏胎下血以一具

切和酒五合服之

膽烏雄雞者良主治目不明肌瘡○月蝕瘡逸耳根日三塗之

燈心蘸點胎赤眼甚良水化橋痔瘡亦效

腎雄雞者良主治齩鼻作臭用一對與胸前肉等分入豉七粒

新瓦上焙研以雞子清和作餅安鼻前引蟲出忌陰人雞犬

見  
噴主治小便不禁及氣噎食不消  
腸男用雌女用雄主治遺溺小便數不禁燒存性每服三指酒

下

肋骨為骨雞者良主治小兒羸瘦食不生肌

脆胫囊黃皮一名雞內金男用雌女用惟氣味甘平無毒主治

洩痢小便頻遺除熱止煩○止泄精並尿血崩中帶下腸風

瀉血○治小兒食瘡療大人淋濁及胃消酒積主喉閉乳蛾

一切口瘡牙疳諸瘡

此白雄雞者良主治產難燒研酒服○下骨哽以雞足一雙燒

灰水服

翮翎白雄雞者良主治下血閉左翅毛能起陰治婦人小便不

禁消陰癩療骨哽蝕癰疽止小兒夜啼安席下勿令母知

感應志云五百日以白雞左翅燒灰揚之風立至以黑犬皮

毛燒灰揚之風立止

尾毛主治刺入肉中以二毛根和男子乳封之當出

屎白雄雞屎乃有白臘月收之白雞烏骨者更良氣味微寒無

毒主治消渴傷寒寒熱破石淋及轉筋利小便止遺尿滅癩

瘰○治中風失音痰迷炒服治小兒客忤蠱毒治白虎風貼

風痛○治賊風痺破血和黑豆炒酒浸服之亦治蟲咬毒

驚啼以水淋汁服解金銀毒以醋和塗蜈蚣蚯蚓咬毒

雞子即雞卵也俗呼雞蛋黃雌者上烏者次之氣味甘手無毒

主治除熱火灼爛瘡癩症可作虎魄神物鎮心安五臟止驚

安胎治妊娠天行熱疾狂走男子陰囊濕痒及開喉聲失音

醋煮食之治赤白久痢及產後虛痢光粉同炒乾止痒痢及

婦人陰瘡和豆淋酒服治賊風麻痺醋浸令壞傅疔點作酒

止產後血運暖水臟縮小便止耳鳴和蠟炒治耳鳴聾及疝

痢○益氣以濁水煮一枚連水服之主產後痢和蠟煎止小

兒痢○小兒發熱以白蜜一合和三顆攪服立瘥

太平御覽云正旦吞烏雞子一枚可以練形

岫嶠神書云八月晦日夜半面北吞烏雞子一枚有事可隱

形

鼎曰雞卵多食令人腹中有聲動風氣和葱蒜食之氣短同

韭子食成風痛共鯨肉食損人共獾肉食成遁尸同兔肉食

成洩痢妊婦以雞子鯉魚同食令兒生瘡同糯米食令兒生  
蟲○小兒患痘疹忌食雞子及開煎食之氣令生翳膜  
卵白氣味其微寒無毒主治日熱赤痛除心下伏熱止煩滿效  
逆小兒下泄婦人產難胞衣不出並生吞之醋浸一宿療黃  
痘破大煩熱○產後血閉不下取白一枚入醋一半攪服○  
和赤小豆末塗一切熱毒丹腫顯痛神效冬月以新生者酒  
漬之密封七日取出每夜塗面去黥點翹令人悅色  
戲術布線縛火用布線一條雞子白塗之向日正午能縛火火  
燒不斷

卵黃氣味甘溫無毒主治醋炙治產後虛痢小兒發熱煎食除  
煩熱鍊過治嘔逆和常山末為丸竹葉湯服治久瘧○炒取  
油和粉傅頭瘡○卒乾嘔者生吞數枚良小便不通者亦生  
吞之數次效補陰血解熱毒治下痢甚驗  
唐症經驗方治杖瘡破損雞子黃熬油搽之甚效  
抱出卵殼俗名混沌池鳳凰蛇研末磨障翳○傷寒勞復熱令  
黃黑烏末熱湯和一合服取汗出即愈



卵殼中白皮主治久欬氣結得麻黃紫苑服立效  
藥中草小兒夜啼安席下勿令母知

鷺

江淮以南多畜之有蒼白二色綠眼黃喙紅掌其夜鳴應更  
舍中養能辟蟲蛇時珍曰鷺鳴自呼江東謂之舒雁似雁而舒  
遲也。

白鷺膏氣味甘微寒無毒主治灌耳治卒聾○潤皮膚可合面

脂

肉氣味甘平無毒主治利五臟○解五臟熱服丹石人宜之

煮汁止消渴

日華子曰白者辛涼無毒蒼者冷有毒發瘡腫○洗曰鷺肉

性冷多食令人霍亂發痼疾○李廷飛曰嫩鷺毒老鷺良

驛尾肉也主治塗手足皴裂納耳中治聾及聒耳  
血氣味鹹平無毒主治中射工毒者飲之并塗其身○解藥毒

時珍曰鷺血祈禱家多用之  
瘡主治解熱毒及痔瘡初起頻  
塗之自消

卵主治補中益氣多食發痼疾

涎主治咽喉穀賊灌之即愈

毛主治射二水毒○小兒驚癇

又燒灰酒服治瘡疾

掌上黃皮主治燒研搽腳趾縫

濕爛焙研油調塗凍瘡良

屎主治絞汁服治小兒驚口瘡

蒼鷺屎傳蟲蛇咬毒

時珍曰鷺氣味俱厚發風發瘡


莫此為甚火熏者尤毒曾目

擊其害而本草謂其性凉利

五臟韓愈醫通謂其疎風豈

其然乎

鷺別錄上品



**鴛** 弘景曰鴛即是鴨。然有家鴨有野鴨。藏器曰尸子云野鴨爲鳧。家鴨爲鴛。時珍曰鴛音木。鴛性質木而無他心。故庶人以爲贊。曲禮云庶人執匹。匹雙鴛也。匹夫卑末。故廣雅謂鴨爲鴛。鴛禽經曰鴨鳴呬呬。其名自呼。鳧能高飛而鴨舒緩不能飛。故爾雅謂鴨爲舒鳧。


鴛肪氣味甘大寒無毒。主治風虛寒熱水腫。

肉氣味甘冷微毒。主治補虛除客熱和臟腑。及水道療小兒驚癩。○解丹毒止熱痢。○頭生瘡腫和葱豉煑汁飲之。去卒然煩熱。

頭雖鴨者良。主治糞脹。治水腫通利小便。腦主治凍瘡取塗之良。

血白鴨者良氣味鹹冷無毒主解諸  
 毒○熱飲解野葛毒已死者入咽  
 即活○熱血解中生金生銀丹石  
 砒霜諸毒射上毒又治中惡及溺  
 水死者灌之即活蚯蚓咬瘡塗之  
 即愈  
 鴨涎主治小兒瘡風頭及四肢皆往  
 後以鴨涎滴之又治蚯蚓吹小兒  
 陰腫取雄鴨涎抹之即消  
 鴨舌治痔瘡殺蟲  
 鴨膽主治痔核良又點赤目初起亦效  
 鴨衣主治諸骨硬炙研水服之即愈  
 卵主治心腹胸膈熱  
 白鴨屎主治殺石藥毒解結縛散畜  
 熱○治熱毒毒痢又和雞子白塗  
 熱瘡腫毒及蚯蚓咬即消

鴛別錄上品



雛鴨形

按格物論云鴨雄者絳頭文翅雌者黃斑色又有純黑純白者有白而烏骨者藥食更佳鴨皆雄瘡雌鳴重陽後乃肥腠味美清明後生卵則內陷不滿伏卵聞驚磨之聲則蝦而不成無雌抱伏則以牛屎壅而出之此皆物理之不可曉者也時珍曰鴨水禽也利小便宜用青頭雄鴨取水木生發之象治虛勞熱毒宜用烏骨白鴨取金水寒肅之象也

弘景曰黃雌鴨為補最勝

洗曰白鴨肉最良黑鴨肉有毒滑中發冷利脚氣者不可食

瑞曰腸風下血不可食

時珍曰嫩者毒老者良尾臊不可食

洗曰卵多食發冷氣令人氣短背悶小兒多食脚軟鹽藏食之

即益人

士良曰卵生瘡毒者食之令惡肉突出

弘景曰卵不可合蠶肉李子食害人合堪食令人生子不順

摘玄方治小兒白痢疾似魚凍者殺白鴨取血滾酒泡服即時

止

雀處處有之。羽毛斑褐。頷嘴皆黑。頭如顆蒜。目如擘椒。短尾距爪蹻而不步。俛而喙仰而四顧。其卵有斑。其性最淫。故師曠禽經云。雀交不一。每栖宿簷瓦之間。故詩曰瓦雀。說文云。雀依人小鳥也。故字從小。俗呼小虫。爾雅翼云。雀入淮爲蛤。雉入於淮則爲蜃。蓋二物皆化於淮水中。故江以鴻止而鴻從之。淮以雀化而雀從焉。此雀所以爲佳也。

雀肉氣味甘溫無毒。主治冬三月食之起陽。令人有子。益氣暖腰膝。縮小便。治血崩帶下。益精髓。縮五臟。不足氣宜常食之。不可停輟。

腦主治綿裹塞耳治聾又塗凍瘡

家及脚脛骨主治小兒乳癖每用一具

煑汁服或燒灰米飲調服

雄雀屎一名白丁香氣味苦温無毒主

治療目痛决癰疽女子帶下溺不利

除疝瘕○療鵝瘻○和首生男子乳

點目中弩肉赤脉貫童子者即消神

效和蜜丸服治癥瘕久痼諸病和少

乾薑服之大肥悅人○癰瘡不潰者

點塗即潰急黃飲死者湯化服之立

甦腹中痰癖諸塊伏梁者和乾薑桂

心艾葉為丸服之能令消爛○和天

雄乾薑丸服能強陰○消積除脹通


咽寒口噤女人乳腫瘡瘍中風風蟲

牙痛

日華子曰凡鳥左翼掩右者是雄其屎

頭尖挺直

雀別錄中品



又有白雀緯  
書以為瑞應  
所感

修治雉雀屎其底坐尖在上是雉兩頭圓者是雌臘月采得雉

雀屎去兩畔附着者鉢中研細以甘草水浸一宿去水焙乾

用

直指方治療瘡作痛用雉雀屎燕窠土研傅之

**燕**生高山平谷有兩種紫胸輕小者是越燕胸斑黑聲大者是

胡燕作窠長能容一尺綃者令人家富也時珍曰燕字篆文象形說文謂之乙鳥乙者其鳴自呼也禮記謂之玄鳥玄言其色也鷹鷂食之則死能制海東青鷂故古今注有鷂鳥之稱能興波祈雨故炮灸論有游波之號又有白燕京房曰人見白燕主生貴女故易占名天女



燕肉氣味酸平有毒主治出痔蟲瘡蟲○卵黃主治卒水淫腫

每吞十枚

毛主解諸藥毒取二七枚燒灰水服

果氣味辛平有毒主治蟲毒鬼疰逐不

祥和氣破五癰利小便熬香用之療

痔殺蟲去目瞽治口瘡瘡疾

屎作湯浴小兒驚癇

弘景曰

燕肉不

可食損

人神氣

入水為


蛟龍所

吞亦不

宜殺之



入藥胡燕形



胡燕大如雀而身長簡口豐頰布翅岐尾春社來秋社食飛小蟲

賈相公牛經治牛有非時吃雜蟲腹脹滿取燕子屎一合以水  
漿二升相和灌之效

**伏翼**

生太山川谷及人家屋間形似鼠灰黑色有薄翅連合四

足及尾亦有白者夏出冬蟄日伏夜飛食蚊蚋自能生育一名  
天鼠一名仙鼠一名飛鼠一名夜燕圖經曰蝙蝠也唐本注云  
伏翼以其晝伏有翼爾

伏翼氣味鹹平無毒主治目瞑瘡痛明目夜視有精光久服令  
人喜樂媚好無憂○療五淋利水道○主女人生子餘疾帶  
下病無子○治久教上氣久瘡瘰癧金瘡內漏小兒魘病驚  
風一云微熱有毒 芎藭為之使  
腦主治塗面去女子面皯服之令人不忘  
血及膽主治滴目令人不睡夜中見物

天鼠屎即伏翼屎也俗呼

夜明砂氣味辛寒無毒

主治面癰腫皮膚洗

時痛腹中血氣破寒熱

積聚除驚悸○去面黑

疔○燒灰酒服方寸七

下死胎○炒服治瘰癧

擣熬為末拌飯與三歲

小兒食之治無辜病甚

驗○治痔有效○治目

盲障醫明日除瘡○治

馬撲損痛以三枚投熱

酒一升取清服數服瘥

修治伏翼要重一斤者先

脚以好酒浸一宿取出以

用近世用者多煨存性耳

伏翼  
本經中品



在山孔中或古

屋簷下頭並倒

懸其腦重也

性能源人治病

則可服食不可

按李石續博物

志云唐陳子真

得白蝙蝠大如

鴉服之一夕大

泄而死宋劉亮

得白蝙蝠服之

立死觀此白者

尤不可服并蒲

腸留肉翅并蒲

塗炙至盡炙乾

修治夜明砂以水淘去灰土惡氣取細砂晒乾焙用其砂乃效  
納眼也 惡白欬白微

生生續治乾血氣蝙蝠一箇燒存性每酒服一錢即愈  
聖惠方治五癩不止用夜明砂末每冷茶服一錢立效

**鷹**出遼海者上北地及東北胡者次之北人多取雛養之南人

以媒取之雌則體大雄則形小有雉鷹兔鷹其頂有毛角俗呼

角鷹時珍曰鷹以膺擊故謂之鷹

鷹肉主治食之治野狐和魅

頭主治五痔燒灰飲服○治痔瘻燒灰入麝香少許酥酒服

之治頭風眩暈一枚燒灰酒服

甯及瓜主治五痔狐魅燒灰水服

睛主治和乳汁研之日三注眼中三日見碧霄中物忌煙熏

骨主治傷損接骨燒灰每二錢酒服食前食後隨病

本草原始

禽部

十卷十一

毛主治斷酒水煮汁

飲即止酒也  
本經中品

屎白氣味微寒有小

毒主治傷健滅痕

燒灰酒服治中惡

燒灰酒服方寸七

主和惡勿令本人

知○消虛積殺勞

蟲去面上炮野雞

千金方滅痕用鷹屎白和人精傅之日三良

鷹屎臣

**雉**南北皆有之形大如雞而斑色繡翼雄者文彩而尾長雌者

文暗而尾短其交不再其卵褐色將卵雌避雄而潛伏之否則

雉食其卵也月令仲冬雉始雉謂陽動則雉鳴而勾其頸也孟



冬雉入大水爲蜃。蜃大蛤也。宗奭曰：雉飛若矢，一往而墜，故字從矢。今人取其尾置舟車上，欲其快速也。漢呂太后名雉，高祖改雉爲野雞。其實雞類也。黃氏韻會云：雉理也。雉有文理也。故尚書謂之華蟲。曲禮謂之䟽趾。雉類甚多，亦各以其形色爲辨。正禽經云：雉介鳥也。素質五采備曰鶩雉。青質五采備曰鷓雉。朱黃曰：鷩雉，白曰鶩雉，玄曰海雉。梵書謂雉曰迦頻闍羅。

雉腦主治塗凍瘡

鷩主 治蟻癩 ○尾主 治燒灰和麻油傅天火丹毒

屎主 治久癢不止與熊膽五靈脂常山等分爲末醋糊丸黑豆大正發時冷水下

肉氣味酸微寒無毒主治補中益氣

力止洩痢除蟻瘻

恭曰溫日華曰平微毒秋冬益春

夏毒有痢疾人不宜食頌曰周禮

庖人供六禽雉是其一亦食品之

貴然有小毒不可常食損多益少

誥曰久食令人瘦九月至十一月

稍有補他月則發五痔諸瘡疥不

與胡桃同食發頭風眩暈及心痛

與菌蕈木耳同食發五痔立下血

同蕎麥食生肥蟲自死爪甲不伸

者殺人

卵同葱食生寸白蟲

雉別錄中品

食醫心鏡治消渴舌焦口乾小便數野雞一隻以五味煮令極熟取二升半已來去肉取汁渴飲之肉亦可食




**鵲**在處有之鳥屬也。大如鴉而長尾尖。嘴黑爪綠背白腹尾翻黑白駁雜。上下飛鳴以音感而孕。以視而抱。季冬始巢。開戶背太歲向太乙。知來歲風多。巢必卑下。故一名乾鵲。知來知往。段成式云。鵲有隱巢。木如梁。令鷲鳥不見。人若見之。主富貴也。鵲至秋則毛毳頭禿。淮南子云。鵲矢中蜩。蜩即反而受啄。火勝金也。時珍曰。鵲古文作鳥。象形。鵲鳴喑喑。故謂之鵲。其色駁雜。故一名飛駁鳥。靈能報喜。故禽經曰喜鵲。佛經謂之芻尼。小說謂之神女。



雄鵲肉氣味甘寒無毒  
主治石淋消結熱可  
燒作灰以石投中解  
散者是雄也治消渴  
疾去風及大小腸澀  
并四肢煩熱胸膈痰  
結婦人不可食○冬  
至埋鵲於園前辟時  
疾溫氣  
陶隱居云鳥之雌雄  
難別者其翼左覆右  
是雄右覆左是雌又  
燒毛作屑內水中沉  
者是雄浮者是雌今  
云投石恐止是鵲也  
餘鳥未必爾

雄鵲

別錄中品



弘景曰五月五日  
入術家  
用高誘  
註云鵲  
腦雌雄  
各一道  
中燒之  
丙寅日  
入酒中  
飲令人  
相思又  
媚藥方  
中亦有  
用之者

**鴿**處處人家畜之。毛色品第最多。惟白鴿入藥。凡鳥皆雉乘雌。此獨雌乘雄。其性淫而易合。故名鴿。食療本草名鴿鴿。鶉者其

聲也。張九齡以鴿傳書。目爲飛奴。

白鴿肉氣味鹹平無毒。主治解諸

藥毒。及人馬久患疥食之立愈。

調精益氣。治惡瘡疥癬風瘡白

癩癰瘍。風炒熱酒服。雖益人食

多恐減藥力。

血解諸藥百毒。毒卵解瘡痘毒。

屎辛溫微毒。治人馬疥瘡炒研

傅之。驢馬和草飼之。○消腫及

腹中痞塊。○消癰癰諸瘡。療破

傷風及陰毒。垂死者殺蟲。



宋嘉祐

白鴿肉每至除夜灸炙飼兒仍以毛煎湯浴之則出痘稀少  
屎左盤故宣明方名左盤龍治陰症腰痛面青甚者用鴿屎一

大抄研末極熱酒一鍾和勻澄清頓服即愈

聖惠方治反花瘡初生惡肉如米粒破之血出肉隨生反出于

外用鴿屎三兩炒黃為末溫漿水洗後傳之

戲術以細鴿一對翦去翅養熟冬月以猛火燒地熱去火用罩

將鴿蓋住近罩急獻鑼鼓則鴿爪熱而跳躍如此三四次雖

置冷地聽鑼鼓之聲亦自跳矣名曰飛奴交舞

### 五靈脂

出北地寒號蟲糞也今五臺山甚多其狀如小雞四足

有肉翅夏月毛盛冬月裸體晝夜鳴叫故曰寒號郭璞云鷓鴣

夜鳴求旦之鳥月令云仲冬曷旦不鳴蓋冬至陽生漸暖故也

其屎名五靈脂者謂狀如凝脂而受五行之靈氣也

五靈脂氣味甘溫無毒主治心腹小兒

五靈脂宋開寶

五疳辟疫治腸風通利氣脉女子血

閉○療傷冷積○凡血崩過多者半

炒半生酒服能行血止血治血氣刺

痛甚效○止婦人經水過多赤帶不

絕胎前產後血氣諸痛男女一切心

腹脇肋少腹諸痛疝痛血痢腸風腹

痛身體血痺刺痛肝瘡發寒熱反胃

消渴及痰涎挾血成窠血貫瞳子血

凝瘞痛重舌小兒驚風五癩癩疾疥

修治五靈脂係寒號蟲屎其屎恒集一處氣甚臊惡粒大如豆

未之有如糊者有粘塊如糖者其色如鐵凡用以饒心潤澤

者為上去砂石研為細末以酒飛過晒乾用

失笑散治男女老少心痛腹痛少腹痛小腸疝氣諸藥不效者

能行能止婦人妊娠心痛及產後心痛少腹痛血氣痛尤妙



用五靈脂蒲黃等分研末以醋二杯調末熬成膏入水一  
盞煎至七分連藥熱服未止再服一方以酒代醋一方以醋  
糊和丸重尿酒服

昔有人被毒蛇所傷良久昏憤一老僧以酒調藥灌之二錢許  
遂甦仍以淨傳咬處少頃復灌二錢其苦皆去問之乃五靈  
脂准黃等分為末耳其後有中蛇毒者用之咸效

**啄木**

有大小有小有褐有斑褐者是雌斑者是雄又有一種大

如鵲青黑色頭上有紅毛者土人呼為山啄木此鳥善為禁法  
能曲爪畫地為印則穴之塞自開飛輒以翼墁之舊云斲木取  
蟲于深以舌銛之舌長于喙杪有針刺郭璞云口如錐長數寸  
常斲木食蟲因名斲木


肉氣味辛酸平無毒主治痔  
 瘻及牙齦疳疔蟲牙燒存  
 性研末納孔中不過三次  
 追勞蟲治風癩  
 舌主治齧齒作痛以綿裹尖  
 咬之  
 血主治庚日向西熱飲令人  
 面色如朱光彩射人  
 鵲魯至剛俊靈機要云三月  
 三日取啄木以丹砂大青  
 拌肉飼之一年取腦和椎  
 黃半錢作十九每日向東  
 水服一丸久能變形怒則  
 如神鬼喜則常人也  
 啄木鳥一名鴛禽經云鴛  
 志在木即此也

啄木鳥宋嘉祐



鷓大如雞雛。頭細而無尾。毛有斑點。雄者足高。雌者足卑。其性畏寒。在田野中。夜則群飛。晝則草伏。人能以聲呼取之。畜令鬪搏。萬畢術云。蝦蟇得瓜化爲鷓。禹錫曰。鷓蝦蟇所化也。蓋鷓始化成。終以卵生。故四時常有之。時珍曰。鷓性醇。窟伏淺草。無常居。而有常匹。隨地而安。故俗呼鷓鷃。莊子所謂聖人鷓居是矣。其行遇小草。即旋避之。亦可謂醇矣。宗奭曰。其卵初生。謂之羅鷓。至初秋。謂之早秋。中秋已後。謂之白唐。一物四名也。又有錦毛者。謂之錦鷃。

鷓鴣肉氣味甘平無毒主治補五臟益中續氣實筋骨耐寒暑消熱結和小豆生薑煑食止淺痢酥煎令人下焦肥小兒患疳及下痢五色旦旦食之有效禹錫曰鷓鴣四月以前未堪食不可合豬肝食令人生黑子合茵子食之令人發痔楊文公談苑云至道二年夏秋間京師鬻鷓者車載積市皆蛙所化循有未全變者列子所謂蛙聲為鷓也交州記云南海有黃魚九月變為鷓月令云田鼠化為鷓素問曰鷓鴣也





李時珍曰按董炳集驗方云魏秀才妻病腹大如鼓四肢骨立不能貼席惟衣被懸臥穀食不下者數日矣忽思鷄食如法進之遂運劇少頃兩汗莫能言但有更衣狀扶而圖小便突出白液凝如鷄脂如此數次下盡遂起此蓋中焦濕熱積久所致也詳本草鷄解熱結療小兒疳亦理固然也董氏所說如此時珍謹按鷄乃蛙化氣性相同蛙與蝦蟇皆解熱治疳利水消腫則鷄之消鼓脹蓋亦同功云

本草原始卷之十